


2011
102



04863



黃

無

楊

易

集

華

藏板

承先堂

氏



洋洋灑灑亦紀亦歌其奉母有

春草軒取東野寸草報春暉之
句自居有栖碧軒取太白問余
何事栖碧山之句嗟乎可想見
其致矣迨讀翁所爲黃楊集雖
余素不解詩不敢孟浪品題先

二

輩第其中致語良多如漁父休
歌水清濁高人不與世浮沉云
云何必解人乃絕倒也嗟乎又
可想見其致矣余祖聽雪公於
元泰定間雅志恬曠不樂仕進
國初辟署華亭縣學與楊鍊岷



陶南村友善嘗題其齋曰聽雪
而豫章胡大司成爲之記儻亦
與翁同志云翁事王父暨母孝
撫羣從昆弟友宗婣故舊間好
行其德不第以詩人目之抑詩
者持也持人情性三百之蔽義
歸無邪可不謂致所自來歟余
客子虛許兩年習其門風并習
其祖先遺集往往祈嚮項重刻
翁集屬余序之夫碎金斷璧自
是王謝家物而不有賢子孫將
毋作堂前之燕乎子虛致足多

也

戊午秋日長水孫宏祖題於鵞
湖之松石間

十世孫與進敬書



題黃楊集

栖碧先生有喜雨謠謝隱微道人自序爲後至
元二年也又十二年至正辛卯潁州兵起癸巳
泰州兵起先生故居始燬去而之毘陵震澤間
數徙無定間鬪羈旅必挾策自隨不廢哦咏會
我高皇以乙未自和陽渡江先生知聖人已出
姑隱身遯世待天下之清一時高賢相將避地
者皆樂與先生游如陸天游張伯雨倪元鎮楊
鐵崖諸公無不招攜盤薄結契煙霞故先生道
晦而名尊體安而色泰愛爲詩歌間整舒暇無

序

離憂孤憤少役曳於胸懷若陳子貞所論黃楊
集是也子貞題先生不以閨厄似未知先生者
以先生才不仕口元爲逸民義士寧厄於位且
豪於貲足聚鄉保酬死士捍其室家乃散金捐
產旅困不悔寧厄於時余聞之世重黃楊以其
無火水試之則沉先生十載艱危如三歲閨一
五歲閨再第閱其聲光不隨炎滅厄何傷至今
三百餘年考德論世猶相見先生以至孝事母
以高節砥行以大智全身以詩文垂後厚積而
發代有聞人自學士公遞傳子虛文心慧業世

承風雅將後序而傳之余誦先生之詩想先生之遇先生以黃楊傳也黃楊以子虛傳也夫癸酉春日華亭陳繼儒題於晚香堂

序

二

敘言

黃楊集者九世祖栖碧府君詩稿而陳子貞先生以命篇曰庶俾無厄閏云爾夫黃楊厄閏物理有宜然者詩與學損益進退之故於斯焉取之烏知厄之者非以奧其膚宣其隔老其穉而新奇於耳目者徒易欣易歎不易久也古今名能詩無若李杜於夜郎於夔均厄矣而李少遜者以爲才使情一往而深非以見才而一歸於厚忠愛悱惻之致蓄於心衝於口篇有之句有之字有之麥秀黍離之歌悲憤遙唵逾於痛哭

序

杜之所以獨至也 府君甫六歲方兒嬉聞母夫人悼往事知所言痛切輒號慟其至性惻惻有過人者卽無厄於閏之根而其後績學博聞日新富有流離播遷之際匪名賢不親至碁酒談笑之中而風期日上動忍增益天人交砥卒以自成其爲詩者何莫不繇是也於茲集見性情之用深而朋友之益宏一以信心一以觀世庶幾得之不然如口實杜詩者曰饗山珍海錯而橄欖回甘舌根未有甜相卽厄閏之言等於說夢爾是集也子虛旣梓行於萬厯之戊午又

重梓於今一若三復而不忘者其亦有戒心也
夫守制九世孫允誠稽顙敬題時

崇禎歲在辛巳春仲年通家子文寵光謹書

序

二

彙錄栢碧先生詩集原本序跋

黃楊集序

詩由日鍛月鍊然後工亦由隨事感發肆然爲之然後熟辟之水愈汲則愈混混來而莫之遏也華彥清氏愛詩甚篤而奪於多事予來此二年矣見其錄成帙者未肆然而爲之也因戲題其端曰黃楊集世傳黃楊之爲木遇閏歲則厄而不長彥清能不爲閏所厄則于霄聳壑子將承其餘陰之下矣彥清勉乎哉谷陽陳方題

續黃楊集序

黃楊集序

始予至無錫與華彥清伯仲論詩舉能知所鄉肯得他人一章一句吟諷未絕口固已懸衡於胸中矣至其精詣或有布韋所宜左辟者私心異之未嘗以語人也一夕燈下坐語彥清出一帙示予觀之則所鈔杜子美近體詩也隨其行澗狹用朱書小字夾註殆遍其說曰某爲對起對結者某爲散起散結者或緣某句應某字或由某意發某語脈絡有自來枝葉有所傳著問之則默然良久曰此陳君子貞筆也惜乎其不能終是帙而往矣久之彥清有所述又出以示

予往往與前所論說若注杜詩者合予然後知
彥清非漫焉而賦者也彥清於伯仲中又獨喜
下筆於人盡商訂此其詩雖頗艱得而稱量櫟
栝曲盡其所用心以故子貞題其集曰黃楊蓋
勉其無厄閏云至辛卯歲稍爲疾疚苦家居無
事益以詩自娛其意謂有肆然爲之之漸以無
負乎子貞之所期望者輒別具一集屬予序焉
予獨謂黃楊楊之族也楊爲木喜近水發榮滋
長朝而尺夕而尋若易易然者就其文理堅緻
膏液純足充然固厖然厚自根株而條葉一無

黃楊集序

二

所散耗者唯黃楊爲然使是木也捨其質性之
至充而有慕於他楊之易茂不幾乎持千金之
璧以易瓦缶者之爲哉甚矣茲木之退乎閏者
乃所以進乎閏也名集黃楊固當於是仍題黃
楊集而歸之是歲爲至正十一年十一月十三
日也吳郡陳謙書

鉞梓黃楊集引

栖碧先生姓華氏諱幼武字彥清無錫之梅里
人世有隱德而好施鄉人賴之早失怙母陳氏
守節元至正初旌表其門先生奉養盡事親之

道嗜學禮士真實不倦誠素和惠待下慈愛未
嘗愠色家素多貲泰然不以富爲驕後燬於兵
坦然不以貧爲戚尤工於詩吟咏情性造次不
輟年六十九病卒于家詩凡六卷名黃楊集緯
文從游既久得其稿於其子公愷敬請鋟梓以
廣其傳云門人呂緯文敬識

黃楊集後序

作詩難觀詩尤不易詩有境與物事與意之分
然境物易狀而事意難工惟杜工部善寫境狀
物莫不曲盡紀事託意莫不詳切後有作者豈

能過之今觀栖霞翁之詩一以工部爲法凡其
爲語皆有來自必準則而步驟之可謂善觀古
人之詩矣然世爲鉅室而不以絀綺奪其志卽
其蚤歲固己以詩鳴中更變故遷徙不常雖顛
沛造次間必以詩見之且句不苟造章不漫成
鍛鍊組織務去其粗鄙而求其雅麗不溺於富
貴穠茂不偏於山林枯槁長篇大什之春容短
嗟絕句之潔淨其苦吟有人所不及者今豈易
得哉翁旣沒其仲子公愷手編其遺稿示余因
俾其外孫楊繹重爲繕寫門人呂緯文鋟木而

廣其傳吁翁自癸巳歲無錫之故宅旣燬再遷而值兵燹後移家蘇城之東門繼遷海虞邑中後又遷吳江之金徑長洲之周莊晚而還鄉將復理田園惜未及而逝然其處患難流離未嘗廢吟咏愈老而愈工則其胸中不以窮通得喪易其志槩可見矣况有子有孫躬耕而樂道隱居以繼志則翁亦何憾耶視曩年富貴之人湮沒而無聞者何足算也余於是重感慨焉翁華氏名幼武字彥清爲無錫人栖碧其自號云洪武丁卯閏月廿又三日包山樵人俞貞木序

五言古詩

雲松巢

登惠山

贈梅孝子榮甫孝感詩

厚本菴覺上人東歸奉寄三十韻

夜坐

長廣溪漁翁頌吾祖之德感慕成詩

上巳舟中值雨

送姪擴之通州

次韻曲林見寄

奉謝琴川鄭氏昆季

貞孝篇美顧宗彥母子也

黃楊集

上卷目

五

贈呂彥經

七言古詩

歌行附

隱微道人今年禱雨者再皆驗頃爲余家

禱之亦驗作喜雨謠以謝之後至元二

年也

發曹湖

送林子明嘉定賣藥

惟中自嘉禾歸覲賦此寄之

送三茅陳嗣師還山

題曹氏春江雲舍圖

觀王仲彰菊圃

孤飛燕

九日見菊

蠶婦詞

雁南飛

編籬曲

義兵行

青山歌寄翟仲謙呈東湖叔兼簡彦容弟

指癢馬圖行

樂存堂歌爲吳江陸彥祥賦時二親同壽

八十也

憶昔

黃楊集

上卷目

六

上卷目錄

古詩五言

雲松巢

天上多白雲山上多青松白雲出松間秀色如
芙蓉縹緲神仙宅彷彿蓬萊峰松垂戶牖密雲
擁簾幙重風起秋浩浩日臨春溶溶繁陰駐長
夏靈響肅嚴冬晨由露霑衣夕歸月啓封右駕
旋白鶴左驅命青龍真仙諒攸憇俗狀詎能容
自顧敢爭席所願長相從

登惠山

山色如美人春風來更佳幽花發紅彩細草萋
青苔夜來得好雨泥軟不濕鞋豈憚脚力勞直
上窮巔崖循路盡曲折躡石如梯階置身萬物
表高舉若可詣俯視地上人何殊井底蛙城郭
纒刻畫江樹辨雲霾平壤東入吳大小北亘淮
日落具區白氣涵滄溟潛其下明陽觀高士神
仙偕衣冠不入市飛昇無遺骸峻節皎日月慙
愧非吾儕老僧偶相值邀我林下齋旣汲泉煮
茗復以酒沃懷情真語頗率謝去傷多乖世道

數齟齬晴能徧天涯

贈梅孝子

水木有本源俯仰感乾坤誰無寸草心可以報
親恩中吳梅氏子庭闈母獨存高年嬰痼疾憂
心一何煩爰事虔禱間天地贖慘昏精誠破陰
瞶孝念達帝闈雲漢昭天章璣衡麗微垣眞宰
旣已假靈貺鍾其門願秉此時心終身矢弗諼
肅敬將肴膳婉容奉笑言采采南陔蘭鞞鞞北
堂萱勗哉盡子職天錫慶彌敦

厚本庵覺上人東歸奉寄三十韻

生無功名志四方謝經營守拙在村野洒掃事

墳塋惟我曾大父梅里鬱佳城松楸四十載枝
幹重重生子孫五世衆能保枯與榮林外結精
舍歲時奉粢盛似非象教力無以存遠名惠山
前朝寺寒暑幾變更玉泉蔭翠柏歷劫無凋零
寺中有尊宿心比泉源清感我再三意瓶錫許
暫停晨鼎香不冷夕燈火長明白日禮珞懺清
宵閱金經逝者安玄宅生者懷至誠諒發菩提
念永堅蘭若盟豈意中土亂盜賊紛縱橫軍需
日夜急盡向江南征道釋與黎庶差役均重輕
委身任鞭撻但恐違公程空門本清淨深慮禍

所嬰中夜理舟楫飄然望東行師固方外士寄
迹如浮萍寧無所住心荅此眷顧情悵望不可
及流淚浩沾纓嘆彼蛙蚓輩安能溷滄溟一朝
就泯滅卷旗韜甲兵山川不改色草木咸光晶
官府有餘暇土田春得耕萬姓安舊業租賦庸
均平再期林泉會猿鶴交相迎

夜坐

烈日不易度清飈殊未來煩襟結憂思虛庭且
徘徊炎官爾何心下土如焚柴羣生苦煎熬天
高難訴哀入室足蚊蚋開門多虎豹膏血唾易

盡骨肉項見摧縣吏迫誅求生涯安在哉愧此
烏雀微潛身蒿與萊仰望霄漢遠無由設梯階
願天降霖雨洗濯無餘埃舞羽致苗格歌熏阜
民財明當逢此時長吟寫幽懷

長廣溪漁翁頌吾 祖德感慕成詩

移舟遡春水飄搖任所適直汎長廣溪泠然洗
塵迹前峰雨初竟空翠若可挹輕波盪晴景洗
漾閃金碧鷗鷺不驚飛鳧鷖自浮沒浩歌放中
流俛仰天地窄顧我塵俗姿何有山水癖溪南
見漁舍茅茨半欹側叅差數株柳青蔭稍蒙翳

繫纜柳樹根褰裳坐磐石漁父向我笑愉悅好
顏色問我從何來言語若舊識所居只尺地三
世無改易昔者盜賊至蘆葦避鋒鏑今年八十
餘頗覺少筋力長年生理處繞舍菱芡實南風
吹荷花清香滿吾室窮冬不知寒曝背向白日
膝下有長男夫婦亾疾瘦細女寡少年守志奉
朝夕一孫與一甥網罟供衣食此心百不縈棺
木具已畢我憶年少時會上君子宅重門使人
迷若與塵境隔近聞車馬過烽火成瓦礫尙念
處士翁四方頌遺德我種君家田徃徃受惠澤

斯人久云歿斯德猶記憶常時語兒女欲報意
罔極歛袂聞此言惻爾潛歎息人生宇宙內繁
華竟無益富貴榮一時草露朝浙漉何如養方
寸仁愛布民物流芳施孫子百世仰憲則我祖
不可見我心竟慘慄迴首故園春潛然淚活臆

上巳舟中值雨

篷上雨聲急篷底酒未醒推篷看青山雲氣接
溟淖溪傍數株花紅白亂飄隕傷心三春事已
逐流水盡嗟我六十翁短髮白垂領漂零未安
宅浩蕩一漁艇百年能幾何疇克駐馳景風流

山陰會千載迹不泯愧我蓬蒿人詩罷聊自哂
送姪擴之通州

吾族全盛日家聲詩禮傳自遭喪亂後誰能事
陳編猶子苦好學鄉閭稱獨賢文采珊瑚枝照
映唐棣篇時同竹林會嘯咏相周旋一朝携酒
至別我荒城邊借問欲何之言將適通川通川
渺何許遠在滄海壖府侯朱夫子招我開講筵
老懷極慰喜別意尤拳拳江水萬里注瀉滑急
如弦厯險戒疾驅中道勿纏綿蛟龍起春雷鵬
鷲搏秋天物遇各有時立功須盛年此行非草

草着鞭會爾先要登青雲路忠義盍勉旃舟發
梁溪水帆拂狼山煙行當賦清句激此山中泉
次韻曲林見寄

通衢一傾蓋分手猶惜別况是忘年交離緒那
可說蟬鳴野外秋鴈叫沙頭月永保松柏姿同
盟歲寒節

奉謝琴川鄭氏昆季

結交須結心取友必取德苟遇同心人何用曾
相識請君試靜聽賤子聊具述區區六十翁素
稟柔弱質潦倒無所成頭顱空雪白十年遭艱

險携家避兵革間里俱荆榛屋廬成瓦礫飄泊
無定所萍蹤任南北旅食闔閭城懷抱常怵惕
豈謂去年冬大軍至倉卒譬彼孤飛鴻哀鳴畏
矰繳又如投林猿高木何暇擇拏舟向東去道
路煙霧塞回帆擬西行烽火鄉里隔矯首見虞
山青天數峰出遙遙竟宵征那問凶與吉詰旦
達城郭維舟南關側浩蕩萍梗踪徬徨欲何適
故友若晨星在眼空歷歷是邦湖山勝羣英聚
圭璧屈指數姓名遺十還記一遂令兒童輩咨
度遍尋覓鄭氏好昆季相逢悅顏色一見蓋始

傾方寸已莫逆敬我以父執待我猶子姪慰勞
未及已拳拳問家室大厦讓我居矮屋自容膝
軒堂親掃除俾我安寢食修垣障紅塵清池湛
寒碧林梅雪的皚畦蔬翠蒙霧老檜鬱以秀高
梧挺而特物態各有榮人事何促迫衰年厭喧
隘愛此地幽僻煩懷淨陶寫庶用遣愁寂况乃
賢主人友悌更相得伯也倜儻姿英年事書律
急難妙解紛出言梗而直深謀及遠慮靡有毫
髮失誰能干戈際豁達露胷臆空階步月吟碧
窗張燈奕度曲變陽春飛觴走瓊液欸洽相與

妍寧忘論三益仲也青雲器胷中飽經術文章
浩波瀾氣槩壓齒崑周旋中矩度勵學寸陰惜
淮海譽白眉士林仰嘉則名已達鳳池會通金
閨籍行當步霄漢九萬搏只尺蠢我二三子亂
離墮荒逸遂謁董氏帷同瞻管寧席未諳立雪
意洒掃勤乃職諄諄教誨言疊疊琢磨力方圓
苟成器詎敢忘繩墨叔也正年少天然美標格
讀書不輟手學字已超忽龍泉未出匣良玉猶
在石一旦發光芒虹貫斗牛赤由來席上珎豈
是池中物庭下棠棣萼相輝耀春日庭前紫荆

樹相看厚培植姜肱共被臥繆形自躬責張公
一忍字九世不改易千年見君家接踵繼古昔
今者二月初衰朽忽遭疾呻吟不絕口生死莫
可測妻子顛沛餘束手竟靡策感君交誼篤中
心懷戚戚百里求良醫不憚苦馳役醫亦仗義
人匍匐過蓬蓽沃我上池水沉痾冰渙釋殘喘
獲再甦枯萌發春澤斯文骨肉懿何有此稠密
四海皆兄弟伊誰與儔匹留連變寒暑言笑忘
晨夕良朋長滿坐俗子迴絕迹坐我春風中不
知身是客義深不可道肺肝自縈刻永結同心

友重以膠投漆誰知歲寒操南山有松柏再拜
聲歌詩茲懷豈終極

貞孝篇美顧宗彥母子也

爲子盡孝敬爲婦不二天人道故常爾心匪金
石堅誠能終大志竹帛光萬年東林顧氏母春
花正芳妍懷有襁褓兒夫君邁迤邐鴛鴦期白
首分飛去弗還痛憤不自持誓欲同九泉生死
固有定骨肉忍棄捐尙念百世系一縷千鈞懸
呱呱何所知母在兒能全晝啼夜飲泣撫育盡
愛憐但使兒在目夫君如在前堂上有尊嫜變

故仍後先熒熒一婦人萬慮紛相纏掩鏡屏膏
沐素心操靜專躬修蘋蘩事伏臘涕潺湲機杼
秋風夕菜麻春雨田軻母我所慕侃母我師焉
茹苦猶嗜甘歲華忘屢遷所願兒長大頭角見
嶄然詩禮繼先業復此舊青氈諄諄承慈訓孜
孜勗勉旃行義董召南清修漢服虔激勵爲佳
士純孝鄉黨傳甘旨肅以具清溫安且便林笥
春自斲嘉魚朝割鮮服勤愼色養兢兢復拳拳
脫穎榛與棘齊芳芝與荃家聲振奕葉青雲煥
高騫載歌楫舟詩和我貞孝篇

落落岩上松根踞崖石裂蒼翠入太清馮陵幾
霜雪視彼桃李花芳菲艷陽月不似岩上松能
持歲寒節

古詩七言

歌行附

隱微道人今年禱雨者再皆驗頃爲余家
禱之亦驗作喜雨謠以謝之後至元二年
也

去年六月河水乾已斷香杭不得餐道人致雨
作豐稔遂復飽飯歌平安今年五月梅雨少處

黃楊集

卷上

九

處秧科分不了道人起就有司請雨點如拳落
飛鳥秧田一夜皆青遍婦耨夫耕不辭倦豈意
秋來七月中百里河流又如綫田家望雨兩月
日四山撐天雲不出豆葉乾枯稻葉黃裂焰張
空爍金石昨朝雲氣騰中天白龍捲水蒼龍旋
滂沱一似去年雨玉虎殷地雷施鞭村南村北
皆鼓舞盡說幾時無此雨誰能如此活焦枯道
人五日村西住道人道人仙者友三出玄功世
無有道人搖手不言功醉看青天開笑口

曹湖東南大星起灑灑光晶射湖水兩鬣搖櫓
逆風行浪花激船洒飛雨我時起坐推篷窗天
地黯慘開鴻雁扶桑日出東海沸波濤滉漾珊
瑚光迴風颺帆舟子喜唱歌逕度三十里樓閣
叅差見吳市

送林子明嘉定賣藥

林君賣藥吳城東此心自與神仙通君今移家
練祁去好種杏華千萬樹花開爛熳功業成綵
衣歸舞春風輕縵篋迭奏酌春罌再拜堂前爲
親壽杏林千年芳不朽

黃楊集

卷上

十

惟中自嘉禾歸觀賦此寄之

子居城南我城北只尺相望太山隔况當連日
雨涔涔蹇驢路滑那堪策具慶堂前戲綵衣青
袍照映春增輝阿翁欣欣阿嬈喜世間之樂誰
能比我年六十頭盡白猶向異鄉爲異客夢中
常憶春草軒翩翩綵袖何由得堂前綵衣不可
忘身上青袍門有光更看拾芥取朱紫錦衣曉
拂天墀香此時歸來爲親壽里閨題芳傳不朽
我當匍匐登君堂共奉金尊獻春酒

送三茅陳嗣師還山

江南昔當全盛時君居虞山我梁溪相望百里
如只尺日夕言笑相追隨干戈滿地事非昨君
住茅峰我城郭十年旅食古長洲鑿井畊田一
址壑去冬避兵到琴川君亦歸來省墓田相逢
一笑驚夢寐羨君飄逸真神仙神仙自有長生
術顏如渥丹髮如漆凌風跨鶴上青天噓氣成
雲飛霹靂是邦太守賢且慈天久不雨憂民飢
請君默禱纔信宿瓢翻馬鬣甘霖垂四郊沾足
民悅懌太守徵詩頌君德願君歸去奏茅君爲
瀉銀河洗兵革

黃楊集

卷上

十一

題曹氏春江雲舍圖

富春江上曹孝子結屋深居白雲裏重重簾幙
護春暉不出庭闈奉甘旨門前江水碧泱泱屋
外峰巒紫翠光山高水闊意無盡堂上慈顏日
月長棠棣相輝萼鞶鞶玉森森映階屺爛斑
新筍帶烟鑱雪白江魚隨網起綵衣歡舞四時
春世上之樂無其倫青雲立志爲親顯衮衮公
侯來逼人干戈滿地尙酣戰客袂不忘慈母線
暮暮朝朝望白雲寸心只願長相見

觀王仲彰菊圃

山翁種花如種玉春去秋來看不足碧樹凋霜
綠草枯五色齊開滿園菊秋光一片敷錦纈較
彼春花更奇絕羽服翩翩翳素鸞霞衣點染猩
猩血西子迎風醉未醒阿環睡起舞娉婷簇金
首飾光瓏玲紛如羣仙降蓬瀛彩雲爛熳香風
清山翁愛花入骨髓朝朝灌沃銀瓶水逍遙食
飽花間行手撚長髯自吟喜山翁山翁知者寡
閒把幽懷自陶寫不學淵明嗜酒狂白衣望望
東籬下

孤飛燕

黃楊集

卷上

十一

孤飛燕飛不住哺此巢中雛孤飛度朝暮羣雛
不耐飢啾啾望母歸不知母死無歸日得食忘
飢竟安息孤飛燕巢在梁梁空秋月白屋外秋
風涼秋風吹雛毛羽寒秋月照巢身影單但願
雛長成不異頡頏雙飛翻孤飛燕休語人有人
聞此易酸辛

九日見菊

去年見黃花香滿金釵側今年見黃花入眼無
顏色黃花未應不耐秋自是插花人不留人去
竟不回花自年年開見花不見人悵望令心哀

何時對花酌碧酒共醉佳人作重九

蠶婦詞

去年桑葉多養蠶能幾何今年桑葉少養蠶難
得老典衣買葉供蠶食葉少蠶多憂不給典衣
不畏舅姑嗔只願蠶成絲有綸我着身上衣蠶
吐口中絲蠶繭大如囊絮帛皆足用三眠三起
白於霜一筐兩筐盈百筐舅姑歡喜小姑忙男
勤畊兮女勤桑春熟蠶秋熟稻舅姑堂上樂且
康細女長男亦溫飽

鴈南飛

黃楊集

卷上

十三

隔南飛飛不住暮暮朝朝不住飛飛向水窮山
盡處水窮山盡天南頭豈知有客離家愁碧天
無塵明月夜千里萬里關河秋家園悠邈不可
見一聞鴈聲淚如綫鴈兮鴈兮可奈何稻梁多
處多網羅

編籬曲

編竹籬密密編朝禦雞狗入暮防豺虎穿交加
編聯互相踣竹密藤纏堅莫比春風披拂百花
開閃映繁華如織綺君不見西家有籬編不密
夜夜驚呼防盜賊願言兄弟莫相疑明日齊心

義兵行

風蕭蕭雨淒淒義兵起程行路迷腰刀手鎗耀
光輝青衫白帽行隊齊問渠遠行將何之官司
召募征江西妻兒父母夾道啼我今與汝生別
離生別離不得已在家出征同一死麥禾滿田
穗將結皇天淫雨無時歇去年秋旱號飢寒今
年夏麥不得餐幸逢此地無爭戰供給軍需民
力殫生爲浙西農死爲江西卒迴頭語妻兒何
處收吾骨率土皆王民安敢辭苦役但愧扶犁

手疇能用矛戟願得將相俱賢才掃除盜賊無
纖埃義兵歸來舊田里賣刀買牛復生理

青山歌寄翟仲謙呈東湖叔簡彥容弟

春風東來吹雪消青山峩峩綠水迢迢山環水
遶中有隱君子日與樵漁爲伍築屋讀書溪之
坳我時隨春風撥棹訪君去君騎蹇驢來迎笑
在中路下驢同載歸君堂張燈展席飛華觴興
豪歡洽飲不醉終夜伐鼓吹笙簧天明不忍便
分手載向竹林呼美酒竹林主人清且賢新篔
美酒如流泉賦詩寫畫相留連蓬窗甕牖屋數

椽黃卷滿案綠綺懸傳芳之錄手自編視富與
貴如浮烟視親骨肉金石堅况我猶子心拳拳
坐中有客吾愛弟扶我醉歸茅屋底呼兒喚婦
拜我前羣兒牽衣婦顏喜笑歌雍雍復夜晏弟
勸兄酬動遵禮齊謳趙舞何足羨義篤情真乃
爲美自笑平生飲不得醅醅醕醕醉三日醉中
一別五月餘夢竟長繞青山側青山在眼白雲
在山恨無羽翼隨雲往還但願棠棣花相映竹
林下閱此歲寒姿永結同心者同心伊誰有君
子君懷磊落青雲士近聞抱病臥空山不知體

氣今何似我言不盡意君會未可期湔毫滌硯
書此詞聊以寄我長相思

揩痒馬圖行

魏公書法擅天下時向玉堂閒畫馬龍媒貌得
五花驄似識長楸沙苑中青絲鬣解黃金鞅老
樹槎牙恣揩痒霜蹄蹴踏尾蕭梢霧鬣鬚鬚肉
屈強畫師神妙何人擬伯仲曹韓不過許曹韓
已矣魏公亡後來作者誰能數君不見燕人千
金市駿骨何似圖中丹鳳臆

樂存堂歌爲吳江陸彥祥賦時二親同壽

樂存堂前春日長樂存堂下春花香堂上老人
齊壽昌百年比翼雙鴛鴦顏如渥丹鬢如霜目
明耳聰筋力强積善之家有餘慶天錫純嘏生
禎祥芝蘭玉樹遶砌傍芳馨郁郁紛琳琅歲時
宴樂春滿堂南極晰晰燁星芒朱簾綠幙綺席
張緩歌細舞吹笙簧兒能開口詠鳳凰少慕懷
橘奉親嘗邑有婉容遊有方年迄不惑孝彌彰
聘之不仕甘遜藏驂駟耻服羈與韁躬具甘旨
羞芬香孝洽閭里嘉聲揚化彼薄俗爲純良高

山距屋雲蒼蒼長江激檻波湯湯壽無窮兮福
無疆我登斯堂獻霞觴兒欣欣兮親悅康樂長
存兮矢弗忘

憶昔

憶昔堂上親憂兒孱弱身兒身今已老不見堂
上親堂上親去不返寸心何以報深恩天地茫
茫恩不斷

黃楊集中卷目錄

七言律詩

季父歸自江東喜而有作

春暉堂

秋夜感懷

次韻寄鄭明德

次韻答倪元鎮閔兩見寄

寄開元寺光雪窗長老

宿隱微山房

奉同陳先生別俞元明都司次韻

厚本菴對雪得飄字

黃楊集

卷目

一

病中寫懷

毘陵敬上人留飲瑣翠亭兼簡陶師晉

過常州游塘張祠有感

庚寅留毘陵憶老母病渴憂甚適寄枇杷

至感喜而作

游碧浪湖簡沈高士

訪倪雲林留飲

鞏德新兄弟分居十年仍復共處

病後野人送橘

呈雪林御史二首

席上呈王尚書

簡童鍊師

避寇

對月懷堯軒

次韻堯軒過溥塘莊見寄

次韻答楊文昭 拜隆亭祖墳有感

金園寺別茂上人吳公亮

宿長廣溪 題鄒甥湖山隱居

春草軒對月

奉和邱彥啓追詠祖尙書畫錦坊詩有感

留別姊丈鄒檜堂 白鷗亭

蘭雪齋 寄丁彥誠

贈王宜中 贈馬主簿

黃楊集 卷目

二

送永定寺長老茂公

過翟氏草堂會家叔同飲

訪志學留別

和曲林夢歸鄉中龍山寺

送丁彥誠之通州 次韻老人燈

種杏軒 九日分韻得陽字

次韻答黃敬之 題陽山顛碧溪詩卷

寄曲林 寄趙高士慶上人

旅泊寄上東湖叔 次韻答劉節判

次韻答方節判

次韻答鄧仲圭張則明二首

次韻答淵上人

次韻答二鄭先生二首

次韻答殷公

感懷

別席心齋

秋夜

戊申冬過東湖叔別墅

楊獻可席上戲贈 奉寄東湖叔

歲暮感懷次韻

次韻答吳良才二首

寒食

江村

清明雨

海寧雲友山公見訪

和陸天游春暮感懷

黃楊集

卷中四

三

題天游畫

題溪山春霽圖

閒居

旦日次周莊簡曲林

次韻楊鍊厓賦鍊歛樓

重賦鍊歛樓

送表姪賀生歸鄉

爲沈伯庸賦咩雲軒

次韻曲林聞鶯二首

午日危坐養浩齋喜天游見訪對花小酌

養浩齋雜詠

百合

五月菊

紅葵

黃葵

紅白鳳仙

秋萱

暮春奉寄東湖叔

喜幼子文鞿遠歸

過鄴生

七言排律

次韻答趙季文

遣懷奉呈東湖叔

黃楊集

卷中目

四

中卷目錄

桐碧先生黃楊集卷中

律詩七言

季父歸自江東喜而有作

千里江山一月還幾多江水幾多山江聲夜作
雨聲急山色晝同春色閒草發菖蒲雲冉冉花
開杜宇樹班班莫將行役空惆悵去覓幽棲屋
數間

春暉堂

築得堂成爲奉親綵衣白髮兩鮮新及時花發
春長在獻壽杯深客過頻燕子簾櫳初著雨宜

黃楊集

卷中

一

男庭樹不生塵韶華一去無顏色落日東風草
似茵

秋夜感懷

年年秋夜愛新涼此日秋涼欲斷腸夢覺不嫌
燈似晝更深猶怯簾如霜風吹薜荔陰連幄雨
打芭蕉綠暎床最苦無人具甘旨豈緣今夜倍
情傷

次韻寄鄭明德

軒軒意氣孰追隨未審儲郎敢斷絲名字已聞
天子召報書還及野人知十年湖海關心久西

漢文章得意爲鵬鶚秋高雲路瀾漁樵有席更
分誰

次韻荅倪元鎮閱雨見寄

十日不見天宇青城上雲氣如愁生擬移茆屋
近山住頗訝漁舟平地行巫峽漏天常是雨楚
江沃壤獨宜晴羲和六龍御白日借問孰處揚
光晶

寄開元寺光雪窗長老

城南寺裏綠陰堂修竹千竿夏日涼佳句每從
韋老賦妙香都在贊公房娑羅樹落天花碧般

黃楊集

卷中

二

若經繡貝葉黃得意故忘歸路遠一壺春酒對
斜陽

宿隱微山房

二月蘭舟泊上宮春雲不雨玉壇空苔生白石
班班綠魚出丹池箇箇紅對酒燭分花底夜捲
簾香散竹間風高寒未覺仙臺遠只比相逢一
夢中

奉同陳先生別俞元明都司次韻

憶昔布衣從此去今朝却喜莅官來泉聲不與

清流隔山色依然畫障開醉倚斜暉吟慘澹坐

深虛室意徘徊宦情羈思渾忘却要路從教長
碧苔

厚本庵對雪得飄字

庚寅冬覺上人招飲

坐上師儒八人問賦成卷子平爲序云

天女裁花散沱絮鮫人剪水織微綃飛翻竹葉
蕭蕭響點綴松梢細細飄詩思已知清到骨禪
心應許立齊腰勞生幾度陪清賞授簡非才愧
續貂

病中寫懷

經旬臥病百憂生欹枕無緣夢寐清蜚海風塵

黃楊集

卷中

三

何日靜農田雷雨幾時傾兒能檢藥知親養婦
勸加餐慰母情啄黍雞肥新釀熟杖藜徐起看
秋成

毘陵敬上人留飲瓊翠亭兼簡陶師晉

翠竹林中暑氣微山僧延客坐寬衣黃塵掩冉
疎籬外蒼雪飄蕭清晝飛茶竈烟疑松葉潤齋
厨香熟筍芽肥幾時重約陶元亮載酒同來爲
發揮

過游塘張祠

在常州

風起荒城客棹過岸頭祠宇鬱嗟峨斜陽壓樹

暮雲合流水遶門秋雨多此日禱祈神不昧當年征伐事如何
漆燈藜冢荆榛遍還有吳聲子夜歌

庚寅留毘陵憶老母病渴憂甚適寄枇杷至感喜而作

曉窗燈影綴金花游子思親夢到家旅食暫違憂藥餌朋來遙及寄枇杷香分綵袖慚懷橘甘入中腸憶奉瓜拜舞新嘗意何限北堂萱草綠無涯

遊碧浪湖簡沈高士

黃楊集

卷中

四

浮玉山邊夕繫舟菰蒲蕭瑟動新秋碧天萬里轉銀漢明月一輪當柁樓每愧塵勞成白首喜從仙御作清遊酒杯未落南風起又掛歸帆託順流

訪倪雲林留飲

軒窗玉潔無塵迹梧竹風高夏日清池上綠陰分野色花間黃鳥帶春聲移樽近水延餘醉寫畫留人款別情一出山莊路何限客衣慈母意難平

鞏德新兄弟分居十年仍復共處

伯仲墳簾古所誇中原今見鞏生家十年消息
紫荆樹千古光輝唐祿華鴻鴈秋高歸別浦鶴
鴝春煖聚圓沙然箕煮豆情相切慙愧何人掩
戶搥

病後野人送橘

野人贈橘甘於蜜病後攜來恰滿筐玉液舊同
仙掌露金苞新熟洞庭霜題封色映園林晚飽
食香歸肺腑涼亟遣兒曹獻慈母如今小陸鬢
毛蒼

呈雪林御史

黃楊集

卷中

五

街頭竹馬走童孩報道烏江御史圓逕掃柴門
迎北望舫瞻綵鷁向南來關心未話風塵別握
手猶爲夢寐猜一笑浮生事無限紅妝那惜佐
餘杯

錦帆拂曉動牙檣萬里歸心覲省忙客袂不忘
慈母線恩袍猶帶御鑪香忠聞漢使歸蘇武賢
憶吳歌感孟光便築高門森榮戟相期弩力報
君王

席上呈王尚書

堯天舜日重經綸鳳詔先頒柱石臣賜履又霑

新雨露征袍那惜舊風塵
梅花別酒江南月楊柳官渠輦
下春眼見潢池淪赤子好將籌策獻
丹宸

簡童鍊師

六月六日到城郭逃暑直入青元宮
舉頭修竹蔽赤日平地碧蓮開
晚風旋調蔗碗漿已凍爛飲玉壺
冰若空道人醉我希世物不用三百
輪青銅

避寇

壬辰十月十三日

午夜移家出遠村西山烽火斷人魂
拏舟謾逐

黃楊集

卷中

六

東流去洒淚遙瞻北斗尊
緜袖牽携憐幼穉班輿扶擁護
慈恩會須兵甲銷農器滿載春風復
故園

對月懷莞軒

爲愛中秋對月吟孤懷無那憶知心
人閒此夕嗟離合天上清光自古今
竹葉傾香浮燦爛桂花移影轉蕭森
美人望望不相見愁入銀河萬里深

次韻莞軒過溥塘莊見寄

淡烟墟落景凄迷有客長吟過遠溪
流水柴門

香稻熟疎林野寺暮禽啼草堂自愧非潭北雲
蓋欣瞻駐灤西乘興還來定何日寧辭小摘徧
蔬畦

次韻苔楊文昭

一別故人知幾時相思每誦昔年題兵戈滿眼
愁無那風雨連床夢轉迷遙矚層城堅鍊石俯
憐荒野困塗泥興來擬欲操舟去竚待西郊息
鼓鞞

拜隆亭祖墳有感

古木蒼藤覆石垣春風秋雨自滋繁根蟠厚地

黃楊集

卷中

七

通山澤蔓餘芳施子孫墓碣青苔檮櫟道紙
錢寒食杏花村祇將純孝求冥漠誠感終須到
九原

金園寺別茂上人吳公亮

憶昔相違嘆轉蓬今朝握手又西東客程莫恠
輕爲別尊酒應須晚更同禪榻晨清楊柳雨書
帷春暖杏花風眼明會見承平日物色分留慰
老翁

宿長廣溪

長廣溪頭夜泊船山青水白月娟娟側身長嘯

與何在皓首不眠心惘然鴻鴈北來天未曉風
塵西去地無邊何方可覓桃源路煮石畊雲度
險年

題鄒甥維順湖山隱居

結廬何處避風塵好向吳山楚水濱門挹湖光
千頃月窗開山色四時春耕桑得趣堪爲樂詩
酒忘情莫厭貧林筍可饒魚可釣善調甘旨奉
慈親

春草軒對月

昔年阿母宴秋期滿地溶溶月色遲今夕光輝

黃楊集

卷中

八

徒有淚一天風露不勝悲良辰荏苒思無極瘦
影伶俜舞向誰夢出桂華窮碧落聲容彷彿在
瑤池

奉和邱彥啓追詠祖尚書建畫錦坊詩有

感

尚書仗鉞歸來日里閨榮瞻畫錦光陵谷變遷
移歲月兒孫追慕見詩章星沉玉斗垂乾象履
出金鑾軼帝鄉痛憶故園旌節里荆榛漠漠草
茫茫

留別姊丈鄒檜堂

亂後歸來茅屋底一枝棲息喜平安釀成白酒
逢時飲癖愛青山竟日看向子已酬婚嫁債陶
翁何羨僕僮歡我來不肯輕爲別握手惟稱會
面難

白鷗亭

滄波漾漾白鷗飛波上幽亭與世違晴雪卷簾
清墨沼春聲泛渚動書幃海翁玩狎俱忘我僊
客相看共息機明日來遊分半席接天秋水澹
斜暉

蘭雪齋

我羨華陽王給事襟懷磊落澹無營閉門著書
白日靜采蘭漱雪清風生謫仙謫藹春雲語仲
連悠悠滄海情手載何人繼高躅大茅峰下有
軒楹

寄丁彥誠

旅食江城春復秋相思情逐水東流憐君鑱鑠
多文采愧我飄零限阻修夜雨久懸徐孺榻春
風長倚仲宣樓何時共對一樽酒傾寫經年離
別愁

梁溪惜別風塵際與會相逢寂寞邊
我有故園成兔窟君於何地避狼烟
風流不減顏如玉潦倒空餘雪滿顛
一笑江城同是客梅花綠酒麩留連

贈馬主簿

眼明喜識伏波孫文采風流璧玉温
天上麟兒真異物人間驥子不同羣
春風錦旆留江左夜雨班衣隔海垠
共覩聖朝求治急好從年少立奇勲

送茂長老

曾向金園留信宿夜深風雨聽談禪
袈裟又是經年別詩句應從到處傳
雙樹林中揚妙梵雨華香裏覲諸天
舊來好客還如此肯借禪房一醉眠

過瞿氏草堂會家叔同飲

竹林有約去年期杖屨今朝獲後隨
九疊青山雲散後一溪春水雪消時
看花爛醉劉伶酒傳燭爭哦杜甫詩
最喜得從文字飲艷歌妍舞亦何爲

霜晴墟落暖如春，遠岸維舟訪故人。祇爲殷勤雞黍約，何煩酬酢酒杯頻。寒瓜剖玉遲留客，香櫓分金共憶親。鄉井不嫌來往數，東風重醉草堂新。

和曲林夢歸鄉中龍山寺

十年飄泊避兵戈，故國溪山夢寐多。明秀軒前乘月去，白龍祠下躡雲過。斷碑剝字埋青蘚，舊陌荒蹊覆綠蘿。自是仲宣鄉思切，春風一覺一長譟。

送丁彥誠之通州

黃楊集

卷中

十一

淮海初傳薦鶡鴒，書馮唐今日仗吹噓。致身已覺青雲近，照鏡從教白髮餘。三會亭前詩思濶，九龍峰下故人疎。荒城對酒難爲別，潦倒憑誰數起予。

次韻老人燈

燭燭衣冠勝後生，青藜入市賀昇平。掃除白髮三千丈，透徹丹心一點明。側耳笙歌如有聽，凝眸珠翠獨無情。時人莫道風中燭，南極星辰自有名。

賣藥從人種杏花
千株萬樹密交加
春風滿座團晴雪
曉日當窗炫綵霞
香葉不沉蘇老井
芳林長繞董仙家
會看采實如山積
德業相承世所誇

九日分韻得陽字

西風吹雨作重陽
冠蓋相逢樂故鄉
滿眼溪山仍舊好
遶園杞菊未全荒
彈琴擊石市聲遠
援筆賦詩秋興長
不恨無錢恨無酒
對花望斷白衣郎

次韻荅黃敬之

黃楊集

卷中

十三

卜隣結屋灑西村
春入柴荆鳥雀喧
高柳遶門元亮宅
繁桃夾岸武陵源
呼兒且種南山豈
過客須傾北海尊
叔度不來茅徑塞
新詩吟就共誰論

題陽山顧碧溪詩卷

聞說陽山顧隱君
幽居不與俗人羣
靜看舞鶴步蒼蘚
閒掃落花眠白雲
李愿已甘盤谷趣
稚圭休擬北山文
一溪春水連天碧
肯着漁樵坐席分

故人一別兩逾月坐對草堂遙憶君老梅稀疎
數點雪修竹偃懷千竿雲每逢風月興未淺更
愛歲寒心不羣時來春夜共清酌何愧滎陽鄭
廣文

寄趙高士易窗慶上人雲岡

昨宵風雨釀春寒曉日開雲路未乾碁局定須
尋李遠杖藜還肯過蘇端繙經丈室留龍臥點
易虛窗倩鶴看暫假飛鳧枉飛錫竹林深處罄
交歡

旅泊寄上東湖叔

黃楊集

卷中

三

孤瀆橋邊篷底宿夢魂先到絳紗帷青雲不負
琴書興白首偏勞骨肉思咽咽鼓鼙溪郭暮蕭
蕭風雨菊花期明朝杖屨登高會肯把茱萸寄
一枝

次韻荅劉節判

每誦新詩喜欲顛知君只住白雲邊有時嘯咏
徑尋竹長日清閒獨愛蓮薇省衣冠新雨露蒲
鞭淮海舊風烟太平氣象今重見莫負奇才詘
壯年

避地逢迎東海邊
宦情羈思兩茫然
常懷江上思
尊興空憶山中種
秫田楊柳官衙春
日靜梧桐山館暮
雲連杖藜不倦頻
來徃好詠丁丁伐木篇

次韻荅鄧仲圭張則明

高密侯門奕世賢
相逢吟嘯楚江天
已尋竹所同移榻
更覓桃源別繫船
夢寐不忘三益友
鄉關還憶九龍泉
虞山無限相思意
曉日停雲薄暮烟

挈居東郭舊斜溼
長憶鄭家池上亭
言笑自忘

黃楊集

卷中

十四

頭盡白交游共喜
眼俱青山城價重
文章伯江國雲埋
處士星少待秋風
吹去棹細書名字
到雲屏

次韻荅淵上人

正欲祇園聽講禪
豈知分手各風烟
袈裟契濶懷支遁
拄杖疎狂愧阮宣
鶴起每聽雲外錫
雪晴長憶剡中船
雨花臺上繡經罷
好託秋鴻寄尺箋

次韻荅二鄭先生

憶作追隨琴水湄
襟懷那忍遽分離
飛觴促令

尋花急擊節揚歌愛月遲一別已驚秋落木
期不負夜敲棋殷勤爲問風流客乘興還來定
幾時

薰風一別海虞城夜雨燈窗無限情棠棣花開
知自樂陽春曲罷與誰賡丁公易道從東去杜
老歸心賦北征兩地相思不相見空梁落月幾
迴明

次韻荅殷公

君侍庭闈歸海畔我携妻子向林塘湖廻遠浦
波還急蘭苗深山草亦香莫訝燕鴻相棄肯已

期雞黍不能忘遙憐棣萼光輝處對舞萊衣上
畫堂

感懷

苦憶家鄉值亂離燈前揮淚看宗支秋風百草
凋零際夜雨連城戰伐時殃及池魚徒有恨痛
憐穴蟻欲何之吾門積德由來厚天地休光或
可期

別席心齋

道人一別幾秋風天上人間事不同滄海塵揚
談笑裏碧桃花發亂離中羨君到處飛孤鶴愧

我移家歎轉蓬安得振衣游汗漫雲龍相逐任
西東

秋夜

澤國秋深夜氣涼飄零猶自未還鄉
蟪蛄泣露梧桐井絡緯纒風薜荔墻
只尺故園千里夢亂離華髮十年霜
仲宣樓上長廻首烽火連山欲斷腸

戊申冬過東湖叔別墅

相尋高隱入荒村一徑緣溪直到門
茅屋雲深書榻靜梅窗春早覩池溫
遲遲別緒留詩卷穆

黃楊集

卷中

十六

穆親情勸酒尊安得移居傍隣舍
時陪杖屨候晨昏

楊獻可表弟席上戲贈

江湖飄泊三年別兩地憂思孰解知
遺愛不忘瓜衍蔓急難深惜樹連枝
相逢此日傷心事莫語當年得意時
且醉春風一杯酒寸田當與子孫期

奉寄東湖叔

飄泊東吳未得歸竹林佳約又相違
高情不愧黃茆屋遠夢長尋白板屣
野館梅花傳臘意江

亭柳色待春輝殷勤欲寄平安字水濶風高鴈
過稀

歲春感懷次韻

憶昔少年春到日珠歌翠舞競爲歡燈然絳蠟
搖金帳菜縷青絲送玉盤絃管聲中那問夜綺
羅香裏不知寒自遭喪亂頭如雪過眼繁華一
笑看

次韻荅吳良才

東風吹水下長溪送我孤舟到水西沙鳥銜魚
來復去野翁迎客笑如啼步深花底欹紗帽舞

黃楊集

卷中

七

隔尊前叫竹雞欲往桃源尋舊隱路迷無處覓
芳蹊

遊子春來倍憶家暮雲愁思接天涯衣冠已喜
移風俗草木殊驚變物華溪上故園頻入夢眼
中殘雪炫生花老年不作登樓賦獨立東風默
嘆嗟

寒食

寒食維舟江上村臨風西望黯銷魂花將春色
歸流水雲帶愁心入故園邱隴不知誰洒掃藤
蘿應復自滋蕃衰年却作無家客不似龐公住

鹿門

江村

二月東吳春色濃
江鄉渾在畫圖中
桃花流水村村曲
楊柳人家箇箇同
籬下醉翁紗帽黑
溪邊遊女茜裙紅
眼中勝槩誰題品
好著狂夫駐短篷

清明雨

鑽榆改火喜從新
風雨何堪斷送春
水漲蒲萄濃似酒
花飄錦繡亂於塵
題詩謾爾酬佳節
隱几無聊憶可人
不爲異鄉忘舊俗
柳枝隨意挿

黃楊集

卷中

六

烏巾

海寧雲友山公見訪

上人心與白雲閒
冉冉隨風出遠山
百里相聞來問訊
一辭初接遽言還
袈裟飄逸紅塵外
杖錫遨遊碧海間
何日從容過蘭若
細聽轉語破癡頑

和陸天游春暮感懷

江水淫淫日夜流
江花點點亂鄉愁
傷心白髮似春夢
滿眼青山非舊遊
三月韶華空對酒
百年世事獨登樓
不須俛仰懷今古
一曲滄浪發

釣舟

題天游畫

仙翁醉倒金壺汁，信筆塗糊作畫看。
泉合松聲流別澗，雨將雲氣出層巒。
移家隱遯懷龐老，携妓登臨憶謝安。
一笑頓忘塵世事，也須卜築老江干。

題溪山春霽圖

雨餘春色浩無涯，點染溪山麗物華。
野水碧連烟外草，石林紅映澗邊花。
柳迷深渚漁人市，鶴傍閒門處士家。
老眼不知圖畫裏，便須先占白

黃楊集

卷中

十九

鷗沙

閒居

屏迹金溪溪上村，花香竹色藹芳樽。
懸知此地非盤谷，何有閒居似鹿門。
春雨菜麻新畝秋，風松菊老圯園。
龐公不是無才思，祇許平安遺子孫。

旦日次周莊簡曲林

孤舟飄泊任西東，鳳歷願新歎轉蓬。
投宿遠尋王給事，醉歌長憶鄭文翁。
歲添霜鬢蕭疎白，春入椒花分外紅。
邂逅他鄉一杯酒，襟懷却喜舊

時同

次韻楊鍊厓賦鍊歎樓

蕭史吹簫作鳳樓道人鍊笛與同流浪遊湖海
携紅袖爭看神仙汎綵舟五夜徘徊九霄月一
聲清澈萬山秋子雲自有長楊賦豈傍東門歌
飯牛

重賦鍊歎樓

老仙登樓吹鍊笛野人倚歌吹鍊簫滄海玉龍
吟沆瀣碧雲丹鳳舞飄飄江湖一曲欣同調意
氣千年不易消鍊嘯留題出塵表長令草木起

黃楊集

卷中

三

清飈

送表姪賀生歸鄉

湖上飛花已暮春湖邊折柳贈行人鳥迎去棹
情何限燕繞廻樯意轉親荒逕莫嫌歸去晚新
詩母惜寄來頻懸知此夜相思處月落西窗獨
愴神

爲沈伯庸賦叫雲軒

花間布穀弄新聲喚起東郊動作情滿地綠莎
泥正軟一犁膏雨曉初晴南陽隴上披雲去莘
野原頭帶月行誰似軒中沈東老卷簾閒坐看

春晷

次韻曲林聞鶯二首

高枝密葉穩栖身似避歌童作妬嗔
柳穿花聲不斷移宮換羽訴還眞
千般嚙舌千般巧一度調簧一度新
睨皖好音留客醉流光誰解繫
義輪

綿蠻啼破海棠春好夢驚回若肯嗔
只訝小姬歌咽咽錯教狂客喚眞眞
當軒對酒聞偏美怯雨憐風韻更新
憶昔故園花下聽雕闌初日射
朱輪

黃楊集

卷中

三

午日危坐養浩齋喜天游見訪對花小酌
江臯連日雨濛濛已拚佳辰寂寞中
杖屨忽逢佳客至笑談寧放酒杯空
遶庭萱草叅差碧一丈葵花爛熳紅
酬酢看君多意氣獨醒堅坐愧
衰翁

養浩齋雜詠

百合

一枝高颺一花垂百葉如鱗取次齊
玉蕊半含黃鵠味音畫檀心初拆麝香臍
未聞楚客留歌詠會見神農列品題
簾幙中間護清馥肯教零落

委塗泥

五月菊

幽姿本自傲秋霜却迂薰風滿徑黃五月不知
非九月端陽錯認是重陽紛紛似識炎涼態燁
燁終存晚節香想得淵明多嗜酒故尋醒客弔
沅湘

紅葵

柔條高並拂簷長婉若雙雙彩鳳翔葉展翠綃
常衛足花舒蜀錦只傾陽醅顏暈酒耽春醉丹
靨凝脂靚曉妝不似海榴無態度絳英顛倒委

黃楊集

卷中

三

階傍

黃葵

葵花一種異尋常却向秋林學道裝香葉疎疎
剪雞距輕袍燁燁染鵝黃御風自有神仙態承
露不粘脂粉香若使姮娥見顏色也應換去白
霓裳

紅白鳳仙

飛仙駕鳳動成羣醉舞丹霞躡素雲露浥鉛華
傾玉頰酒翻血色汗羅裙不隨桃李爭春艷却
遶階除弄夕曛爛熳祇教兒女愛玉纖粧點錦

花紋

秋萱

萱草當秋開又奇高標簇立對軒墀亭亭擎露
仙人掌朵朵翻風金屈卮壽母最憐怡日永宜
男不厭著花遲北堂好護根株在綵袖相輝碧
玉枝

暮春奉寄東湖叔

時爲郡庠訓導

第二泉邊老布衣廣文官冷未能歸白頭自信
無人識青眼相看過客稀花塢怕逢春雨急竹
林長望暮雲飛懸知絳帳風流在莫向東風怨

黃楊集

卷中

三

落暉

喜幼子文鞿遠歸

溪頭杖策散憂懷遙識扁舟幼子回一見正如
天上墜相看猶作夢中猜踏翻謝屐身忘老拜
舞萊衣志若孩莫話道途辛苦事且欣恩澤到
枯菱

過鄴生

風雨孤舟遇故人別來懷緒轉相親丹傳秘訣
從誰學數演流年話我真夢裏繁華悲宿昔鏡
中雪色老逡巡八旬定許躋高壽祇恐龍鍾甑

滿塵

排律

次韻荅趙季文

憶從兵燹灑西莊，匍匐携家出遠鄉。
佳士每逢青眼顧，高堂欣覩絳帷張。
珠涵碧水淵還媚，玉韞青山石有光。
好與芝蘭同入室，肯隨蒲柳易凋霜。
陶翁願結新蓮社，杜老終歸舊草堂。
遙矚雲霞徒悵快，獨吟霖屋謾疎狂。
莎雞泣露庭前草，絡緯鳴秋屋外桑。
幾度思君看明月，隔溪遙聽棹相將。

黃楊集

卷中

三

遣懷奉呈東湖叔

十載漂流百不堪，歸來耕鑿有何慙。
剪除野蔓開蔬圃，樵斫黃茆結草菴。
蕭散林泉原自愛，艱難稼穡近方諳。
芹羹滋味清還美，蔗境生涯老愈甘。
蔣詡門前三逕竹，杜陵堂下百花潭。
翩翩溪鳥晴翻雪，靄靄雲峰翠作嵐。
香稻滿田分玉粒，柔桑遶屋飮冰蠶。
洞庭摘取千頭橘，閩粵移栽三寸柑。
愛月汎舟乘逸興，看山扶杖縱幽探。
釀成美酒留人飲，吟得新詩與客談。
已喜

皇風清海內，坐看春色徧江南。
貧只願駒藏

谷樂道遙悲蟻戰酣一變□□□宇宙祇嫌短
髮不勝簪

栖碧先生黃楊集卷中

黃楊集

卷中

五



04863



